

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**Grad Tuzla**



**Broj: 02-35-4937-2016**  
**Tuzla, 10.8.2016. godine**

Na osnovu člana 5. Pravilnika o načinu odabira korisnika za rekonstrukciju individualnih stambenih jedinica na području Grada Tuzla po projektu „ROMA ACTION (RA) - Podrška socijalnom uključenju ranjivih romskih porodica u područjima pogođenim poplavama putem obezbjeđenja stambenih jedinica i soci-ekonomskih mjera sa aktivnim učešćem državnih i lokalnih vlasti kao i drugih interesnih grupa“ („Službeni glasnik Grada Tuzla, broj: 8/16) i Ugovora o realizaciji projekta „ROMA ACTION (RA) - Podrška socijalnom uključenju ranjivih romskih porodica u područjima pogođenim poplavama putem obezbjeđenja stambenih jedinica i soci-ekonomskih mjera sa aktivnim učešćem državnih i lokalnih vlasti kao i drugih interesnih grupa“, zaključenog 21.12.2015. između Hilfswerk Austria International, broj: 534/15 i Grada Tuzla, broj: 02-14-6109-2015, u okviru Programa podrške implementaciji Akcionog plana BiH za rješavanje problema Roma u oblasti stambenog zbrinjavanja i „Dekade inkluzije roma 2005-2015“, **Komisija za odabir korisnika Grada Tuzla objavljuje:**

**J A V N I P O Z I V**  
**za podnošenje prijave za rekonstrukciju individualnih stambenih jedinica**  
**na području Grada Tuzla po projektu „ROMA ACTION (RA) - Podrška socijalnom uključenju**  
**ranjivih romskih porodica u područjima pogođenim poplavama**  
**putem obezbjeđenja stambenih jedinica i soci-ekonomskih mjera**  
**sa aktivnim učešćem državnih i lokalnih vlasti**  
**kao i drugih interesnih grupa“**

**I-PREDMET JAVNOG POZIVA**

Predmet javnog poziva je izbor korisnika za rekonstrukciju individualnih stambenih jedinica na području grada Tuzla, po projektu „ROMA ACTION (RA) - Podrška socijalnom uključenju ranjivih romskih porodica u područjima pogođenim poplavama putem obezbjeđenja stambenih jedinica i soci-ekonomskih mjera sa aktivnim učešćem državnih i lokalnih vlasti kao i drugih interesnih grupa.

**II-PRAVO UČEŠĆA**

(1) Pravo učešća imaju lica koja ispunjavaju slijedeće opće uslove:

**1.** Podnosilac prijave, pripadnik romske populacije, s prebivalištem na području Grada Tuzla kontinuirano najmanje 3 godine do dana podnošenja prijave.

**(Dokaz:** Uvjerenje o kretanju podnosioca prijave, izdato od Ministarstva unutrašnjih poslova TK, za sve punoljetne članove porodičnog domaćinstva iz kućne liste fotokopija obje strane lične karte, izvod iz matične knjige rođenih za maloljetne članove i uvjerenje o prijavi prebivališta podnosioca prijave na području Grada Tuzla-CIPS),

**2.** Podnosilac prijave koji je vlasnik stambenog objekta koji je predmet rekonstrukcije. U slučaju suvlasništva nad nepokretnom imovinom koja je predmet rekonstrukcije, obavezna je ovjerena izjava sвих suvlasnika da su saglasni da se izvrši rekonstrukcija na ime podnosioca zahtjeva.

**(Dokaz:** Zemljišno-knjižni izvadak ili prepis posjedovnog lista ne stariji od šest mjeseci ili ovjereni ugovor o kupoprodaji predmetne nekretnine).

**3.** Podnosilac prijave ili član njegovog porodičnog domaćinstva koji nije bio korisnik pomoći za rekonstrukciju stambenog objekta.

**(Dokaz:** Ovjerena izjava da podnosilac prijave ili član njegovog porodičnog domaćinstva, pod punom moralnom, materijalnom i krivičnom odgovornošću nije bio korisnik sredstava za rješavanje stambenog pitanja po ranije provedenim programima i projektima-ne starija od 6 mjeseci i ovjerena izjava podnosioca zahtjeva, pod punom moralnom, materijalnom i krivičnom odgovornošću, da podnosilac zahtjeva i članovi njegovog domaćinstva, nisu primili pomoć u rekonstrukciji/izgradnji stambenog objekta, dovoljnu da zadovolji utvrđene standarde o minimumu stambenih uslova-ne starija od 6 mjeseci).

**4.** Podnosilac prijave ili član njegovog porodičnog domaćinstva koji ne posjeduje kuću ili stan uslovan za stanovanje na području Bosne i Hercegovine.

**(Dokaz:** Ovjerena izjava podnosioca zahtjeva, pod punom moralnom, materijalnom i krivičnom odgovornošću, da on i članovi njegovog domaćinstva nemaju na teritoriji BiH drugu stambenu jedinicu koja se smatra uslovnom za stanovanje, u skladu s utvrđenim standardima o minimumu stambenih uslova kao i da istu nisu otuđili na bilo koji način-ne starija od 6 mjeseci, ovjerena izjava podnosioca zahtjeva, pod punom moralnom, materijalnom i krivičnom odgovornošću da on i članovi njegovog domaćinstva na teritoriji Bosne i Hercegovine nisu stekli u vlasništvo porodičnu stambenu zgradu ili stan pa ih svojom voljom prodali, poklonili ili drugim pravnim poslom otuđili iz svoje imovine i na taj način se doveli u situaciju da nemaju riješeno stambeno pitanje-ne starija od 6 mjeseci i ovjerena izjava podnosioca zahtjeva, pod punom moralnom, materijalnom i krivičnom odgovornošću, da podnosilac zahtjeva i članovi njegovog domaćinstva ne stanuju kod svojih roditelja ili roditelja bračnog druga u porodičnoj stambenoj zgradi u dijelu zgrade koji predstavlja zasebnu stambenu jedinicu uslovnu za stanovanje-ne starija od 6 mjeseci).

**5.** Podnosilac prijave i članovi njegovog porodičnog domaćinstva žive u uslovima koji su ispod utvrđenog stambenog minimuma.

**(Dokaz:** Neposredan uvid Komisije na licu mjesta).

**6.** Podnosilac prijave čiji su maloljetni članovi porodičnog domaćinstva, osnovnoškolskog uzrasta, na redovnom školovanju ili su završili osnovno školovanje

**(Dokaz:** Potvrda o pohađanju osnovne škole ili dokaz o završenoj osnovnoj školi).

(2) Kriteriji iz stava 1. ovog člana su eliminatorni i obavezujući za sve podnosiocce prijave, odnosno članove njihovog porodičnog domaćinstva.

### **III-REDOSLJED PRVENSTVA**

Prednost prilikom utvrđivanja prava na rekonstrukciju individualnog stambenog objekta prema ovom Pravilniku utvrđuje se prema slijedećim posebnim kriterijima:

1. Podnosilac prijave ili član zajedničkog porodičnog domaćinstva pripada jednoj od slijedećih kategorija:
  - a) Lica s onesposobljenjem/invaliditetom, osobe sa smetnjama u psihofizičkom razvoju i civilne žrtave rata,  
**(Dokaz:** Uvjerenje JU Centar za socijalni rad Tuzla ili nalaz i mišljenje instituta za medicinsko vještačenje zdravstvenog stanja)
  - b) Šehidske porodice, porodice poginulih boraca, nestalih osoba, bivših logoraša i RVI,  
**(Dokaz:** Uvjerenje Službe za boračko-invalidsku zaštitu, stambene poslove i integraciju raseljenih lica Grada Tuzla).

2. Porodice sa većim brojem članova porodičnog domaćinstva podnosioca prijave, (**Dokaz:** Kućna lista sa svim članovima porodičnog domaćinstva podnosioca prijave, ovjerena kod nadležnog gradskog organa za poslove matičnih knjiga ili kod notara, kopija ličnih karata za sve punoljetne članove domaćinstva i rodni listovi za maloljetne članove domaćinstva),
3. Broj članova porodičnog domaćinstva podnosioca prijave koji su na redovnom školovanju (osnovna škola, srednja škola, fakultet/akademija), (**Dokaz:** Uvjerenje osnovne škole, srednje škole, fakulteta/akademije),
4. Podnosilac prijave i/ili članovi njegovog porodičnog domaćinstva koji se nalaze na evidenciji JU Služba za zapošljavanje TK Tuzla (**Dokaz:** Uvjerenje JU Služba za zapošljavanje TK Tuzla-Biro za zapošljavanje Tuzla).

#### **IV-POSTUPAK ZA IZBOR KORISNIKA**

Redosljed prvenstva za dodjelu pomoći za rekonstrukciju stambenih objekata utvrđuje Komisija za odabir korisnika, iz reda podnosilaca prijave koji ispunjavaju sve opće uslove i veći broj posebnih uslova po redosljedu utvrđenih ovim javnim pozivom.

Preliminarnu listu izabranih korisnika za rekonstrukciju stambenih objekata utvrdiće Komisija najkasnije u roku od 8 dana od dana isteka roka za podnošenje prijava na javni poziv.

Preliminarna rang lista dostavlja se svim podnosiocima prijave i objavljuje se na oglasnoj tabli Grada Tuzla, oglasnoj tabli JU Centar za socijalni rad i web stranici Grada Tuzla.

Svaki učesnik javnog poziva, koji iz određenih razloga nije zadovoljan svojom pozicijom na listi, ima pravo izjaviti prigovor u roku od 8 dana od dana objavljivanja preliminarne rang liste.

O prigovoru na preliminarnu rang listu odlučuje Komisija, u roku od 8 dana od dana isteka roka za izjavljivanje prigovora.

Odluka Komisije po prigovoru je konačna i ne može se pobijati redovnim pravnim lijekovima.

#### **V-PODNOŠENJE PRIJAVA**

Prijava na javni poziv podnosi se na propisanom prijavnom obrascu koji se može dobiti u Centru za pružanje usluga građanima (šalter-sala) Gradske uprave Tuzla.

Prijavni obrazac i obrasci izjava mogu se preuzeti u Centru za pružanje usluga građanima (šalter-sala/šalter za pružanje informacija građanima) gradske uprave Grada Tuzla.

Popunjen obrazac prijave s pratećom dokumentacijom (dokazima o ispunjavanju općih uslova i dokazima o ispunjavanju kriterija za utvrđivanje redosljeda prvenstva) dostaviti putem Centra za pružanje usluga građanima (šalter-sala) u zatvorenoj koverti **najkasnije do 24.8.2016. godine**, na adresu:

**GRAD TUZLA-Služba za ekonomski razvoj i društvene djelatnosti**  
s naznakom:  
**PRIJAVA**  
**na javni poziv po projektu „ROMA ACTION (RA)“**  
**NE OTVARAJ**

Nepotpune i neblagovremene prijave neće se uzeti u razmatranje.

#### **V-OSTALE NAPOMENE**

Ovaj javni poziv objaviti na oglasnim tablama Gradske uprave Tuzla, JU Centar za socijalni rad Tuzla i web-stranici Grada Tuzla.

Sve dodatne informacije o načinu i postupku učešća po ovom javnom pozivu mogu se dobiti u Službi za ekonomski razvoj i društvene djelatnosti direktno ili putem telefona broj: 035/307-334-kontakt osoba Ernesa Mešić.

**KOMISIJA**